

Хязгаарлагдмал баталгаа

Үйлдвэрлэгч Research In Motion Limited (“RIM”) компани ба түүний салбар Centrum House, 36 Station Road, Egham, Surrey, UK, TW20 9LF хэмээх хаягаар бүртгэгдсэн, BlackBerry Handheld (BlackBerry Cradle-тай хамт BlackBerry техник хангамжийг бүрдүүлдэг), BlackBerry Desktop програм хангамж, холбогдох утасгүй өгөгдлийн үйлчилгээ, бичиг баримтаас бүрдэгч BlackBerry шийдэл нийлүүлэгч Research In Motion UK Limited, Компанийн бүртгэлийн дугаар 4022422, компани тус BlackBerry техник хангамж нь Та BlackBerry техник хангамжийг анхных нь эцсийн хэрэглэгчийн хувьд анх худалдан авсан өдрөөс хойш нэг (1) жилээс бага хугацаанд (цаашид “Баталгаат хугацаа” гэх) хийц, материалын ямар нэгэн гэмтэл согоггүй байна гэсэн баталгаа эцсийн хэрэглэгч, Танд (цаашид “Та” гэх) өгч байна. Энэхүү хязгаарлагдмал баталгааг шилжүүлж болохгүй. Баталгаат хугацааны турш BlackBerry техник хангамж буюу BlackBerry техник хангамжийн нэг буюу түүнээс олон эд ангийг эд анги буюу хөдөлмөрийн төлөө Танаас төлбөр авалгүйгээр засварлах буюу сольж өгнө. Хэрэв Баталгаат хугацаанд BlackBerry техник хангамжийг (эсвэл түүний бүрэлдхүүн хэсгийг) засварлах буюу соливол, засварласан буюу сольсон өдрөөс хойш 91 дэх хоногт буюу анх худалдан авсан огнооноос хойш нэг жилийн дараа Баталгаат хугацаа дуусна. **Үйлчлүүлэгчийн хувиар BlackBerry техник хангамждаа тусламж дэмжлэг хэрхэн авах талаар зааварчилгаа авахын тулд BlackBerry Handheld Хэрэглэгчийн гарын авлагаа үзнэ үү.**

Энэхүү хязгаарлагдмал баталгаа нь ердийн элэгдэлд хамаарахгүй бөгөөд хэрэв BlackBerry техник хангамжийн аль нэг бүрэлдхүүн хэсгийг RIM-ийн албан ёсны зөвшөөрөлгүй хэн нэгэн задлах буюу зассан тохиолдолд, буруу ашиглах, чийг буюу шингэн, дулааны эх үүсвэрт ойрхон байх буюу хавьтах, осол, зүй бусаар ашиглах, хайхрамжгүй байх, буруу хэрэглэх зэргээс болж гэмтсэн BlackBerry техник хангамжийг засварлах буюу сольж өгөхгүй, бөгөөд RIM буюу түүний албан ёсны үйлчилгээний төлөөлөгчөөс өөр аль нэг этгээдийн хийсэн засвар, өөрчлөлтийн улмаас учирсан гэмтэл согогийг хамрахгүй. Энэ Хязгаарлагдмал баталгаа нь BlackBerry техник хангамжийн гадаргууд учирсан физик гэмтэл, үүний дотор LCD дэлгэц дээрхи цуурсан, зурсан гэмтлийг хамрахгүй. Энэ Хязгаарлагдмал баталгаанд тодорхойлсон BlackBerry техник хангамжаас өөр аль нэгэн төхөөрөмж буюу захын төхөөрөмжөөс учирсан аливаа гэмтэлд энэ Хязгаарлагдмал баталгаа үйлчлэхгүй. BlackBerry техник хангамжийг RIM-ээс илэрхий сайшаагаагүй буюу нийлүүлээгүй дагалдах хэрэгсэл, бүтээгдхүүн, үйлчилгээ, нэмэлт буюу захын төхөөрөмжийн хамт хэрэглэснээс болж буруу ажиллах, энэхүү буруу ажиллагаа нь BlackBerry техник хангамжийн өөрийнх нь гэмтэл согогтой холбоогүй болохыг RIM тогтоосон нөхцөлд энэхүү хязгаарлагдмал баталгаа үйлчлэхгүй. Үүний зэрэгцээ, хэрэв BlackBerry техник хангамж, BlackBerry Desktop програм хангамж, холбогдох утасгүй өгөгдлийн үйлчилгээ, бичиг баримтаас бүрдэгч BlackBerry шийдлийн баглаа боодолд (цаашид “BlackBerry шийдэл” гэх) агуулагдсан аюулгүй байдлын мэдээллийг хэрэглэгч дагаж мөрдөөгүйгээс шалтгаалж ийнхүү буруу ажиллавал, хязгаарлагдмал баталгаа хүчингүй болох бөгөөд хэрэв хүчингүй биш байвал үйлчлэхгүй. Өгөгдлийн нөөцлөлт нь BlackBerry техник хангамжийн хэрэглэгчийн хариуцлага гэж тооцогдоно. Аль ч үед гэмтсэн буюу алдагдсан байж болох өгөгдөл, үүний дотор BlackBerry техник хангамжид үйлчилгээ хийх явцад буюу синхрончлолын програм хангамж хэрэглэх явцад алдагдсан буюу гэмтсэн өгөгдлийг RIM хариуцахгүй. BlackBerry шийдлийн нэг хэсэг байдлаар нийлүүлэгдэх аливаа утасгүй өгөгдлийн үйлчилгээг RIM буюу RIM-ийн дамжуулан борлуулагч, үйлчилгээ үзүүлэгч гуравдагч этгээд буюу хөдөлгөөнт холбооны оператороор дамжуулан нийлүүлдэг тул, RIM утасгүй өгөгдлийн үйлчилгээ үргэлж боломжтой байх буюу зөв ажиллана гэсэн батламж буюу баталгаа өгч чадахгүй. Та хөдөлгөөнт холбооны операторууд BlackBerry шийдэлтэй цуг ямар баталгаа, ямар түвшний үйлчилгээ үзүүлдгийг тогтоохын тулд тэдэнд хандах хэрэгтэй. Энэ болон бусад шалтгаанаар BlackBerry шийдэл нь онцгой байдал буюу амь насанд аюултай буюу эгзэгтэй даалгаврын нөхцөлтэй холбоотой өгөгдөл дамжуулахад найдаж болохгүй, бөгөөд RIM ийм найдлага буюу утасгүй өгөгдлийн үйлчилгээ ажиллахгүй буюу BlackBerry шийдэл хэрэглэхэд тань хүртээмжтэй байхгүй, үүний дотор Таны BlackBerry шийдэл хэрэглэхийг хүссэн бүс үйлчилгээнд хамрагдаагүй байх зэргээс үүдэн учрах үйл явдал буюу хохирлыг өөрийн болон дамжуулан борлуулагчдынхаа нэрийн өмнөөс хариуцах аливаа хариуцлагаас татгалзана.

BLACKBERRY ТЕХНИК ХАНГАМЖ БУЮУ ТҮҮНИЙ БҮРЭЛДХҮҮН ХЭСГИЙГ ЗАСВАРЛАХ БУЮУ СОЛИХ НЬ BLACKBERRY ШИЙДЛИЙГ ХУДАЛДАН АВЧ, АШИГЛАЖ БАЙГААТАЙ ХОЛБОГДУУЛАН ҮЗҮҮЛЖ БУЙ ЗАСАХ ОНЦГОЙ АРГА ХЭМЖЭЭ ЮМ. RIM, ӨӨРИЙН НЭРИЙН ӨМНӨӨС БОЛОН BLACKBERRY ШИЙДЛИЙН ДИСТРИБЮТОР, ДАМЖУУЛАН БОРЛУУЛАГЧИЙН НЭРИЙН ӨМНӨӨС, ТҮҮНЧЛЭН RIM БУЮУ RIM-ИЙН САЛБАРЫН ХЯНАДАГ БУЮУ RIM БУЮУ RIM-ИЙН САЛБАРТАЙ ХАМТ ХЯНАДАГ АЛИВАА КОМПАНИЙН НЭРИЙН ӨМНӨӨС (ЦААШИД ХАМТАД НЬ, “RIM-ИЙН КОМПАНИУД”, ДАНГААР НЬ “RIM-ИЙН КОМПАНИ” ГЭХ) ШУУД БУЮУ ШУУД БУС БУСАД БҮХ БАТАЛГАА, НӨХЦӨЛ, МЭДЭГДЭЛ, БАТЛАМЖ, БАТЛАМЖ БИЧИГ, ҮҮНИЙ ДОТОР ТАВААРЫН БАТАЛГАА, ТАВААРЫН ЧАНАР, ХАНГАЛТТАЙ ЧАНАР, ТОДОРХОЙ ХЭРЭГЛЭЭ БУЮУ ЗОРИУЛАЛТАД ТААРАХ БАЙДАЛ, ӨМЧИЙН ЭРХ, ЗӨРЧИЛГҮЙ БАЙДАЛ, ХУУЛЬ БУЮУ ЗАН ЗАНШИЛ, ХЭЛЦЛИЙН ЯВЦ, ХУДАЛДААНЫ ХЭРЭГЛЭЭНЭЭС ҮҮДЭН ГАРАХ БУСАД ЗҮЙЛИЙГ ТАТГАЛЗАЖ БАЙНА. ТАНЫ ХЭРЭГЛЭГЧИЙН ХУВЬД ЗААВАЛ ЭДЛЭХ ЁСТОЙ ХУУЛЬД ЗААСАН ЭРХҮҮДИЙН ХУВЬД ТАНЫГ ИЙМ ЭРХТЭЙ БАЙЖ БОЛНО ГЭЖ ҮЗЭХ БА ЭНЭ ЗҮЙЛ ЭДГЭЭР ЭРХЭД НӨЛӨӨЛӨХГҮЙ.

RIM БУЮУ RIM-ИЙН КОМПАНИ ПРОГРАМ ХАНГАМЖИЙГ АШИГЛАХ БУЮУ АШИГЛАХ БОЛОМЖГҮЙ БАЙСНААС ҮҮДСЭН ШУУД БУС, ТОХИОЛДЛЫН, ТУСГАЙ, ҮР ДАГАВРЫН ШИНЖТЭЙ АЛДАГДАЛ БУЮУ ХОХИРОЛ (ҮҮНИЙ ДОТОР БИЗНЕСИЙН АШГИЙН АЛДАГДАЛ, БИЗНЕСИЙН ҮЙЛ АЖИЛЛАГААНЫ ТАСАЛДАЛ, БИЗНЕСИЙН МЭДЭЭЛЛИЙН АЛДАГДАЛ БУЮУ БУСАД ЭТГЭЭД ХАЯГДАЛ) ГАРАХ БОЛОМЖТОЙГ RIM БА/БУЮУ RIM-ИЙН КОМПАНИ МЭДЭЖ БАЙСАН Ч ГЭСЭН ЭДГЭЭР ХОХИРЛЫГ ЯМАР Ч ТОХИОЛДОЛД ХАРИУЦАХГҮЙ. ЭНЭХҮҮ ХЯЗГААРЛАЛТ НЬ ЭДГЭЭР ХОХИРЛЫГ ГЭМ ХОР АРИЛГАХ НЭХЭМЖЛЭЛ БУЮУ ЗАРГААР, ЯМАР Ч ХЯЗГААРЛАЛТ ҮЙЛЧЛЭХГҮЙ АМЬ НАС ҮРЭГДЭХ БУЮУ БИЕД ГЭМТЭЛ УЧИРСНЫ ТӨЛӨӨ ХҮЛЭЭХ ХАРИУЦЛАГАААС БУСАД ЯМАР Ч ТОХИОЛДОЛД, ГЭРЭЭ, БАТАЛГААНЫ ДАГУУ, БУСАД АЛИВАА ХУУЛИЙН ДАГУУ БУЮУ ХУУЛИЙН АЖИЛЛАГААНЫ АЛИВАА ХЭЛБЭРЭЭР НЭХЭМЖИЛСЭН, БАТАЛСАН, БУЮУ МЭДҮҮЛСЭН ЭСЭХЭЭС ҮЛ ХАМААРАН ХЭРЭГЖИХ ЗОРИУЛАЛТТАЙ БӨГӨӨД ХЭРЭГЖИНЭ. ЭНЭ ГЭРЭЭНИЙ ДАГУУ ҮҮДЭН ГАРАХ АЛДАГДАЛ БУЮУ ХОХИРЛЫН ТӨЛӨӨ RIM, RIM-ИЙН КОМПАНИУД, АЛБАН ЁСНЫ ДИСТРИБҮТОР, BLACKBERRY ШИЙДЛИЙГ ДАМЖУУЛАН БОРЛУУЛАГЧДЫН ТАНЫ ӨМНӨ ХҮЛЭЭХ ХАРИУЦЛАГА НИЙТ ДҮНГЭЭРЭЭ BLACKBERRY ТЕХНИК ХАНГАМЖИЙГ СОЛИХ ЗАРДЛААС ХЭТЭРЧ БОЛОХГҮЙ. RIM-ийн хайхрамжгүй байдал буюу түүний ажилтан, төлөөлөгчдийн хайхрамжгүй байдлаас шууд шалтгаалан амь насаа алдах буюу биед учруулсан гэмтлийн төлөөх хариуцлагыг энэ Гэрээний ямар ч заалт хасах буюу хасахыг оролдох, эсвэл хязгаарлах боломжтой.

BLACKBERRY ENTERPRISE SERVER ПРОГРАМ ХАНГАМЖ, DESKTOP ПРОГРАМ ХАНГАМЖ, БҮХ БИЧИГ БАРИМТ, BLACKBERRY ТЕХНИК ХАНГАМЖ ДЭЭР СУУЛГАСАН ПРОГРАМ-АППАРАТНЫ ХАНГАМЖИЙН ХУВЬД ХЯЗГААРЛАГДМАЛ БАТАЛГАА НЬ ТАНД ТУСАД НЬ ӨГСӨН ПРОГРАМ ХАНГАМЖИЙН ЛИЦЕНЗИЙН ГЭРЭЭНД ТУСАД НЬ ЗААСАН. ТУСАД НЬ ЗАХИАЛСАН АЛИВАА BLACKBERRY ДАГАЛДАХ ХЭРЭГСЛИЙН ХЯЗГААРЛАГДМАЛ БАТАЛГАА НЬ МӨН ИЙМ ДАГАЛДАХ ХЭРЭГСЛИЙГ ДАГАЛДАХ ТУСГАЙ ХЯЗГААРЛАГДМАЛ БАТАЛГААНД ЗААСАН БАЙДАГ.

Аливаа хэвшмэл заалтаас RIM татгалзаж байгаа нь ийм хэвшмэл заалтаас цаашид ч татгалзана гэсэн үг биш бөгөөд өөр бусад хэвшмэл заалтаас татгалзсан гэсэн үг биш.

Энэхүү хязгаарлагдмал баталгаа нь хуулийн зөрчлүүдийг шийдвэрлэхэд дагаж мөрддөг аливаа хуулийг эс тооцвол Англи, Вэльсийн хууль тогтоомжид захирагдаж, эдгээр хууль тогтоомжийн дагуу тайлбарлагдана. Энэхүү хязгаарлагдмал баталгааны талууд (цаашид хамтад нь “Талууд” гэх, дангаар нь “Тал” гэх) Улс хоорондын бараа худалдах, худалдан авах гэрээний тухай Нэгдсэн Үндэстний Байгууллагын конвенци бүтнээрээ энэхүү хязгаарлагдмал баталгаанд үйлчлэхгүй гэдэг дээр харилцан тохиролцов. Энэхүү хязгаарлагдмал баталгаанаас үүдсэн буюу энэхүү хязгаарлагдмал баталгаатай холбоотой үүссэн бүх санал зөрөлдөөн, маргааныг арбитрын шүүхээр эцэслэн шийдвэрлэнэ. Арбитрын шүүгчийн шийдвэр эцсийнх байх бөгөөд шийдвэрийг Талууд заавал биелүүлнэ (илэрхий алдаа гарах тохиолдлоос бусад үед). Арбитрын шүүгчийн шийдвэр бичгээр үйлдэгдэх бөгөөд үндэслэлүүдийг заасан байна. Арбитрын шүүгчийн тохиромжтой гэж үзэн шийдсэн хувь хэмжээгээр арбитрын шүүхийн зардлыг Талууд хуваан төлөхөөр арбитрын шийдвэрт заах ёстой. Танай улсын хуульд өөрөөр зааж, хориглоогүй бол арбитрын ажиллагаа дараах байдалтай явагдана: (i) Английн Лондон хотод явагдах; (ii) Английн хуулийн дагуу явагдах; (iii) англи хэлээр явагдах; (iv) Олон улсын худалдааны танхимын Арбитрын дүрмийн (цаашид “Дүрэм” гэх) дагуу шийдвэрлэх; ба (v) дээр дурьдсан Дүрмийн дагуу томилогдсон нэг арбитрын шүүгчээр хянагдах, ийнхүү арбитрын шүүгчийг томилсноос хойш 30 хоногийн дотор Талууд арбитрын шүүгчийн томилгоон дээр харилцан тохиролцох ёстой, ингэж харилцан тохиролцоогүй тохиолдолд аль нэг тал өргөдөл гаргаж арбитрын ажиллагаа явуулах хүсэлт гаргах үед ажиллаж байгаа Британийн Компьютерийн Нийгэмлэгийн Ерөнхийлөгч (буюу Ерөнхийлөгч өөрийгөө төлөөлүүлэхээр томилсон хүн) арбитрын шүүгчийг томилно. Дээрхи заалтууд танай улсын хуулиар хориотой бол арбитрын ажиллагааг дараах байдалтай явуулна: (i) танай улсад явагдах; (ii) англи хэлээр явагдах; (iii) Дүрмийн дагуу арбитрын ажиллагаагаар шийдвэрлэгдэх; ба (iv) дээр дурьдсан Дүрмийн дагуу томилогдсон нэг арбитрын шүүгчээр хянагдах, ийнхүү арбитрын шүүгчийг томилсноос хойш 30 хоногийн дотор Талууд арбитрын шүүгчийн томилгоон дээр харилцан тохиролцох ёстой, ингэж харилцан тохиролцоогүй тохиолдолд төвийг сахисан тал арбитрын шүүгчийг томилно. Талуудын хоорондох буюу Танаас бусад аливаа этгээдийн оролцсон ямар ч маргааныг RIM-ээс урьдчилж бичгээр зөвшөөрөл авалгүйгээр нэгтгэж болохгүй.

Хэрэв энэхүү хязгаарлагдмал баталгааны нөхцлийг хүчингүй буюу хэрэгжүүлэх боломжгүй гэж үзвэл, энэхүү хүчингүй буюу хэрэгжүүлэх боломжгүй байдал нь нийт хязгаарлагдмал нөхцлийг хүчингүй буюу хэрэгжүүлэх боломжгүй болгохгүй, харин (түүнээс болж хянан үзэх ажиллагаа амжилтгүй болохгүй бол) хязгаарлагдмал баталгаа нь тодорхой хүчингүй буюу хэрэгжүүлэх боломжгүй заалт буюу заалтууд агуулаагүй гэж ойлгогдох бөгөөд Тал тус бүрийн эрх, үүргийг үүний дагуу ойлгож, хэрэгжүүлнэ.

Хэрэв энэ хязгаарлагдмал баталгааг англиас өөр хэл рүү орчуулбал англи хувилбар болон түүний орчуулгын хооронд утгын зөрөө гарсан тохиолдолд англи хэл дээрхи хувилбарыг баримтална.

Энэхүү хязгаарлагдмал баталгаа болон BlackBerry техник хангамжийн баглаа боодолд орсон аливаа баталгааны заалтууд хоорондоо зөрчилдвөл, энэхүү хязгаарлагдмал баталгааны заалтууд тухайн зөрчилтэй хэсэгт үйлчилнэ.

© 2008 Research In Motion Limited. Бүх эрх хамгаалагдсан. BlackBerry®, RIM®, Research In Motion®, SureType® ба холбогдох барааны нэр, нэр, лого зэрэг нь Research In Motion Limited-ийн өмч бөгөөд АНУ болон дэлхий дахины бусад улс оронд бүртгэгдэх ба/буюу хэрэглэгдэнэ.